

zeruko ARGIA



IDAZKOLA TA BANAKOLA: OKENDO, 22 - SAN SEBASTIAN - TEL. 426666 - PREZIOA 7 PEZETA

NON ZER

- ARANEGIRI ERANTZUN IREKIA
Baskaran 3 garrenean
- LEAKEY II LANEAN HASI
Larresoro 3 garrenean
- TEORIA (IV)
Ansola 5 garrenean
- ARTE
Kortadi 7 garrenean
- APAIZAK DIRALA-TA
Arostegi 11 garrenean



GIPUZKOAKO

BASERRI BATEAN, GAU TXORI



✿ Juan Luis Goenaga, euskal pintore gaztea

✿ "Euskal Pintura" saria irabazi berria du



Gure zorionerako, illargi beteare zegoen gau hartan. Zori onerako, Juan Luis ez baita gizon berdina gau guzietan. Ilargiak sena berezia ematen baitio. Hego haizea eta ilargi argiek egoki baino egokiago jantzen zuten azaroko gau hura.

Aste bete osoa falta zen «Euskal Pintura» sariaren banaketa erabakia izan zedin eta ez zegoen gure mutila sariaren zai. Juan Luisentzat pintatzea, arte egitea, bizitza da. Hor arkitzen du, egunaren luze zabalean hain hitz gutxi esan ohi dituen gazteak, bere mintzaira bidea. Bakarrik bizitzeak ez dio bakardaderik sortarazten, inguru guztia eta barru beteare ditu lagun.

—Juan Luis: Emaiguzu zure bizitzaren berri.

Urtarrilaren 9an Donostian jaio nintzen, orain 22 urte. Nere lehenengo urteak ikastolan egin nituen eta gero batxiller delakoa bukatu nuen. Orduan ikusi nuen garbi ez nengoa konforme nere aldamenean ikusten nituen gauza askoz eta zeharo pintura bideetan sartu nintzen. (Titikitanak hasia nintzen dibujoaz).

Beraz, pintura seriotasunakin hartzen, 17 urtetan hasi nintzela esan dezaket. Orduan, teknikaren otopoaz aurkitu nintzen eta zerbait ikasi nahi banuen behintzat, kanpora irten behar. Kanpora, teknikarengatik: hori ez beste guztia gure Herriak, gure paisaje honek erakutsi baitit eta erakusten oraindik.

—Nora joan zinen?
—Parisa lehenbizi. Han ezagutu nituen KLE, KANDINSKI, BRANKUSI eta beste. Grabadoa zer zen ere ikasi nuen, bai eta harria lantzen ere. Berriro Donostiara itzuli eta orain, hemedik, gure herriko arte-egoera guztiak (pintura, eskultura, dantza) eta munduan zehar, batez ere Europan egiten ari den lanari ahal dudana bertaenetik, jarraituz.

—Orain azalgetaren baterako lanak prestatzen ari zerala dirudi. Zergatik ez duzu oraindik azalgetarik egin?

—Bai. Egia da aspaldidanik ez dudala azalgetarik egin eta egia

esan, orain ere ez dit gogo handirik ematen. Hala ere, kanpora irten naiz zerbait. Orain hiru urte, Zarautzen egiten den muraletako azalgetan lehen saria irabazi nuen eta urte horretan bereotan, gazte-arteko beste azalgeta batean ere lehen saria eman zidaten, nere aurrenetako obra abstrakto batengatik.

Geroztik, lanean jarritu dut, bakarrak, alde guztietara joaz, bai pinturara, eskulturara, grabadora bai eta reliebetara ere. Lan guzti hauek gordeta daduzkat.

Benetan, azalgetak egitea ez dut behin ere gogoko izan. Piskaren bat ere irten izan naiz hemendik: Paris, Erroma eta Londresko museo guztietan begiak ondo zabaldua ibilia naiz.

—Zer lan mota, zer arte mota duzu maiteen?

—Orain pinturakin nabil batez ere. Baina Parisen hasi nintzen eskultura lanean, batez ere harriari. Gero, Donostian, harria eta burnia ere landu ditut. Fotografia aldetik ere zer edo zer egin dut. Arlo hontan gauza asko dagoela egiteko iruditzen zait. Gaurko artistak gero eta gehiago ari dira fotografiaz baliatzen, batez ere "arte konzeptual" delakoaren barruan ari direnak, esate baterako JEAN LE GAC, eta JEAN DIBBETS.

—Zerk bultzatu zaitu orain Donostian azalgeta bat egitera? Noiz izango da?

—Lehen esan bezala, ez dut gogoko izan sekulan azalgetarik egitea. Baina ikusi dudanez, baten batzuek nere lanak agertzea interesantea dela uste dute eta horrek eman dit bultzada.

—Norentzat pintatzen duzu, bada?

—Nik ez dut behin ere beste inorentzat lanik egin, neuretzat baizik. Ni hobeki ezagutzearren pintatzen dut.

—Zer azalduko duzu Donostian?

—Azken urte honetan egindako lanak, batez ere aurten egindakoak. Lan denak gauari buruzkoak dira. Gaueko laino, ilargi, isiltasun, hosto-hotz eta itzala ditut gai. Donostiako San Telmo museoan egiten dut, otsailaren 15etik 30era.

"Euskal Pintura" sarira bi kuadro bialita ditut eta Azpeitiko Antxieta etxean egiten den azalgetara ere bialiko ditut beste batzuk.

—Zergatik eta zertarako pintatzen duzu?

—Denbora luzean ez nekien argi zergatik eta zertarako pintatzen nuen. Gaur uste dut galdera horren erantzuna argiago ikusten dudala eta ahal dudana moduan erantzun dezut. Gure gaueko baso, mendi, euri, elur, tximista, trumoi eta ontzaren oihuak maite ditudalako. Gure arbasoen leze-zuloetako pinturak eta mairubaratzak hobeki ulertzeko, ilargi-argipean egindako akelarreak hobeki ezagutzearren.

Nere ustez, gure euskal kultura guztia gauekoa da. Baserritako itzalak, kromletzak, sorginak eta auzi guztiak gauekoak dira. Pio Barojak bere intuizio haundiarekin hau argi ikusi zuen. Bere "Alzateko Jauna" hortan agertzen diren espiritu guztiak gauekoak dira. Ontzak, sorginak, laminak, dantzak, Basa-Jaun eta Alzateko Jauna ere gauekoak dira.

Gure artea ere gauekoa da (Oteiza, Txillida, Basterretxea, Mendiburu...). Bustia eta gaua, euria eta ilargia, hauekin bizi eta lan egiten dut. Hala, nere azkeneko lanetan, euria (latza, Letek dion bezala) eta gure baserritako itzal eta hutsune hoiekin ari naiz. Eta gauza bat agertzea beharrik nago: nere lan guztia gauez egin dela.

—Zure pintura, beraz, euskalduna dugu... Zein izango lirake —izatekotan— euskal artearen egiturak?

—Bai. Nere pintura euskalduna da. Ez da retorikoa, hitz haunditakoa, barrukoa eta hitz gutxitakoa baizik. Gure kantuak bezala (beti berdina, beti desberdina), gure mendi, baso, erreka eta zelaia bezala, bertsolariak bezala, kanpaiak bezala.

Euskal artearen egiturak nik baino lehenago jarriak dituzte bai Iztuetak, bai Barojak, bai Oteizak. Nere lanak isiltasunetik eta itzalekitoz da.

—Zer derizkiogu gaurko euskal pinturari? Eman izenen batzu.

—Nere ustez, gaurko euskal pin-

tura oso bide onetik doa. Baina, hontan zerbait esan nahi nuke: Euskal Herrian egiten den euskal pintura eta Euskal Herrian egiten den pintura ez-euskalduna bi gauza direla. Nahiz eta biak Euskal Herrian eginak izan, alde handia dago tartean. Lehenik, "GAUR" taldekoek konturatu ziren hontaz. Oso euskalduna iruditzen zait bai Zumeta, Balerdi, Sistiaga eta Ortiz de Elgea egiten ari diren pintura mota; oso euskalduna, Sistiagak egindako filma. Hori behar du euskal pinturak; lehenik, gure aurrekoek agindako guztia ondo ezagutu, leze-zulotan, kantu eta dantzatan. Horiei ondo begiratu, arretaz entzun eta kontuan edukiaz. Horrela gauza ederren bat sortu ditek lur hontan. Behin ere gure arbasoen lanak eta pentsaera ahaztu gabe. Gaurko artistek, erantzunikun haundia daukate berengan.

—Zure pinturaren esanahia eta "Gaur" eskolarena berdinsuak edo berdina omen dira. Ba ahal da "Gaur"en zantzurik zure lanetan?

—Bai. "Gaur" taldeak egin duen lanaren jarraitzaile bat besterik ez naiz. Berak erakutsi didatenaz eta gaur Europan zehar egiten ari denaz, hori dena ondo ezagutuaz aurrera jo beharrean nago. Nere lana egiterakoan, Arteta, Zubiaurre, Teñate eta belaunaldi hartako guztiak gogoan eduki ditut eta batez ere "Gaur" taldearen lanak, pintura, eskultura eta filmetan. Eta ezin ahaztu ditzakegu Antxieta, Etxabe, Iriarte eta gutxiegi aipatzen den beste zenbait artista euskaldun.

—oOo—

Nekez utzi dugu Juan Luis Goenaga bere baserrian gauetan. El-karrizketa hau izan eta gero jakin dugu denok "Euskal Pintura" sariaren, hogeita bost urtetatik behar-koen artean, berari eman diotela saria. Nekez aurkituko dugu hain erabat bere artera emana dagoen artista gazterik. Zorionak eta jarrai, luzea da-ta aurretik dadukazun gaua.

Kristau, baina baita euskal gazte

Gaur egunean euskaldunok eta batez bere gazteok ahoz-ahoz daramaguzan gai batzuk aspaldi honetan indar barria hartu dabenak dira. Nolan gaur, langilea, politikak, ekonomia, ikerak, euskera, zapalduak eta zapaltzaileak, erlijioa.

Zergaitik hau? Gizarteak eta gizonak lehena gaingitu nahiean, aurrera jo nahiean, ikuspegi barriak zabaltzen ditu, gizarte ta giza moldeak aldatu.

Hola dala, gaur egunean bizitzaren alderdi guztiak giza baloreen sensibilizazio indartsu baten bidez aldatu eta erabarritzen doaz. Gizonak, nolabait esateko, txikitu eta lotu egiten izan daben moldeak astindu eta bere inguruan molde barri batzuk asmatu nahi ditu, etorkizun zabal bat agertuaz.

Euskaldunon artean bardin jazozen da. Euskaldunok aurrera jo nahi dogu, gizarte molde askatu batzuk, geure nortasuna eta kultura landu.

Prozesu honetan gurean balore asko indartzen doaz: euskal nortasunaren eta kulturaren balioa eta lantzea, euskaldunen anaiartekoa eta nolabait batasuna autortzea, ekintza askatzaille bat, hitz batean, euskal kontzientziaren kezka indartsua sortu da.

Giza baloreen esnatze eta berbizite hau aurrerakuntza da. Baina arrisku bat daukagu: Mundu barri bat sortzen dala eta asmatu egin behar dogula ustean, lehengo balore batzuk baztertzeta, ezerezetik hastea. Egia esan, arlo zabal irekitzen jaku ikuspegi barri honetatik, baina dogunetik, garrantzik hasi eta, ahal dan neurrian, doguna gaurko ikuspegi barri honetara moldatu behar dogu.

Horregaitik, gaur egunean ekonomia-politika agitura, gizarte eta baita erlijioa ere kritikatu ari gugu, gaurko giza baloreei begira ez tajutzen direlako.

Erlijioa eta fedea bere, sendo astintzen doguz. Ulertzeko era errezago batean azaldu, euskal kristautzat esanahi bizi eta eraginkor bat izan, eleizegitura aldatu eta eleiza herriratu, herri gizonen kez-

ketan parte izan: Gehienek kritika hemendik doa.

Badira gaur egunean euskal gazteen artean heuren biztzen gizatasuna, hau da, euskalduntasuna eta kristautasuna alkar ezin konpondu dituenak; euskal ekintza baten jartzekoan, fedea alde batera baztertzen dabenak, heuren euskal bizitarako ez dautalakoan eraginik eta sentzunik, edo esanahirik ez dauan lehenagoko mundu bat gorrotzen deuselako. Batzuk euskal gizon askatu barri honen izenean, fedea ukatu egin dabe.

Gu euskal gazte batzuk gara ta gainera, abadegaiak. Gu ez ginan bakoitzaren gurutetik sortu. Euskal kristau famili batzuetan jaiok eta giro honen bidez Seminariora etorriak gara.

Urteak joan eta giza baloreen esnatze ongari honek eraginik, Seminario heziketa moldeak aldatzen goaz. Gaur egunean giza osokuntza garrantzi handiagoa dau eta Seminario Nagusi eta Kolejioko heziketa metodoak helburu honen inguruan asmatzen dira: giza osokuntza abiatuaz, era berean fedea galdetu ta sakondu. Kristau, baina baita gizon ere.

Aspiratasun giro bat zabaltzen goaz eta era berean bakoitzaren biztzen sortzen diran giza eta kristau galdera eta problemi erantzun batera ahalegintzen, giza eta kristau osokuntza helburu dala.

Giza eta kristau heziketa ez da Seminarioko zerbitz bakarrik. Guk Seminarioan kristau komunitade bizitza daukagu eta ikasi egiten dogu. Gure heziketa Seminario eta kale edo baserri bizitza da, gazteen artean, gizonen artean, heuren kezkari artean. Heziketa gure bizitza osoa dogu.

Gaur gure Seminarioko giza eta kristau heziketa honetan garrantzi handia dau euskal kontzientziaren esnatzea ta sendotzea. Nolan, euskera klaseak, euskal ikastaroak, euskal tematika giro bat azaltzen doa.

Gaurko giza baloreen eta gure artean euskal baloreen itartzeta hau heldu da gure bizitzetara ere, eta

giro legez gure gazte ta kristau komunitadera.

Gainera guk gure ikasiak besteei emotera beharuek gagozala uste dogu, euskal baloreen esnatze onuragarria lantzea eta eragitera. Hau dala-ta, euskera klaseak eragiten, euskal gazte taldeetan parte hartzen eta abar hasi gara.

Baina, fededunak garean ezker, gure fedea gaurko giza baloreei egokitu behar dogu, gaur eta guretzat esanahi sendoago bat izan dagian. Guk gure fedea gaurkotuta azaldu nahi dogu.

Kristautasuna, erlejiro legez, gizonak ezin dau menperatu, gizonaren eskuetan ez dago —alde batetik—: norbait gutzit bestea autortzea da fedea. Hau holan denez gero, gaurko giza baloreen sensibilizazio gartsu honetan, fedea ba ete dau tokirik? Gaur egun gizatasuna ta kristautasuna sintexis batean alkar konpondu ahal dira gaurko gizonagan, gizon kontzientziatuagan? Ez ete dira alkar ukatzen? Galdera honek gaurko gazte batzuen bizitza-koak, baita bere gurekoak, dira.

Kristau batzuetatik sintexis edo batasun hau konpontzea edo honetarako bide bat zabaltzea, ezinbestekoa da. Bestela bere bizitzan mundu bi alkar lotu ezinaz ikusiaz, gizatasuna azkenean garaiare atariko da eta kristautasuna baztertu. Kristau osokuntza bitasun honen sintexian dago.

Gure bizitzetan kezka bizia da hau. Bidea irekitzea, baiña batez bere jarraitzea, gabx egiten jaku, oztopo asko dira bitarteko ta illuntasun handi bat. Kristautasuna gaurko ikuspegi barri batean sakontzeko. Ebanjelioetara jotzen dogu ta jo behar dogu. Kristo gizon legez azaltzen jaku heurtan, gizonaren izatea onartuaz eta gizonen arteko maitasuna autortuaz. Kristo ezagutzera abiatzerakoan, gizon heredu legez bakarrik hartzeko arrisku daukagu, Kritis pobre ta behartsuen alde, maitasuna agintzen, gaurko hizketan «iraultzaile».

Baina Ebanjelioa fededunen lana da; Kristogandik bere testiguak jasotako bizi-esanak. Kristo gizon, baina Jainko egiteko, batean, gizo-

nari itxaropen iraunkorra emon nahiean eta hortarako Jainko bidea erakutsi nahiean. Hitz batean, Jainko-gizon, gizonarekin alkar-hizketan; Jainko-gizon sintexis batean.

Kristok bere salbamen biztzen gizontasuna onartzen eta jasotzen, gizonagan sintexis hau posible egiten dau eta bidea erakusten deusku. Kristauak ez dau gizona ukatzen, goratzen baino.

Hau da gaurko gure kezka, gaur erlijioak daukan kezkarik sakonegia eta Kristoren salbamen historiaren muina.

Hau dala ta, Gure Seminario bizitzeko giroan dei bat egiten jaku Kristo biztzena eta sakontzena, oitortzen bitartez eta Ebanjelioetara joaz.

Baina gainera dei bat kristau ekintza berezi batzuetara, euskal ekintza konkretotara. Euskaldun izateko ez da fedea beharrezkoa, baiña «euskal kristau batek kontuan izan behar dau bere inguru».

Gu kristauak gara ta gure ekintza kristaua, mota askotakoa izanarren: euskera klaseak, gazte taldeak, kristau katekesia... Gure fedea eraginik, ezinbestekoa dogu gure bizitzetan euskal ekintza batean jartzea, Kristo azaltzea eta agertzea. Ez dogu fedea baztertzen giza ekintza baterako, guretzat dala, Kristo esker, kristau ekintza denez gero.

Hona hemen gure Seminario eta gure kristau bizitzetako egoera ta prolemak gaurko munduko profematika giroan eta «erantzunaren zai».

Derioko abadegai batzuk

Euskal Kultur mintegiak Deretxoko fakultadearen lankidetasunean antolatu du ikastaro bat.

Irakasle: Adrian Zelaia (Deretxoko irakasle)

Gaia: Derecho Foral de Bizkaia

Hizkuntza: erderaz

Egunak: 11-12-13-14 eta 15.

Ordua: arratsaldeko 7,30 etan

Lekua: Unibertsidadeko Sala de Conferencias

ERLOJU ETA BIKTIFEGIA

Eduardo Chopetia

Getaria, 10-Urrut. 417751-Etxekoa: 422700 - DONOSTIA

eguberri zozketa

4 etxe bizi

diru epea: lotazilla'ren 31 arte



Donosti'ko Erri-Etxe'ko Aurrerki Kutxa

Edozein Libretetan sartzen diran mila pezeta berri bakoitzeko zenbaki txartela izango dezu eta Libretan dauz-kazun 5 mila pezetakojk aña zenbaki dagozku gainera.

usurbilen

ATXEGA JAUREGIA

Bilbao-Donostia erregebidetan dabilenak, badu ikusgarriak. Usurbilen ere, Bidean datorrelarik irakur dezake honako hau: Ikus Atxega jauregia. Harlanduz egindako jauregi bikaina ikus dezake.

Ospetsua zen antzinan Atxega deitua, Atxega jauregia, Atxega ahaide nagusia. Hor ibiliko dira Euskal Herrian barna honen ondorengoak. Nahiko zabaldua da Euskal Herrian deitua hori, baina gehiena Usurbilen. Deitura hortako inor ez da gaur jauregi horren jabe.

Ez zaigu eskualdatzea gaizki iruditzen. Bai, ordea, honela alferrik gaitzen uztea. Nahita ondutzen uztea. Erorita ikusi nahi izatea, diru gehiago eman dezakeen beste zerbaitegitarren.

Ijitoen eta toki aldaketan dabilzenen zulo bihurturik datza. Bazarra zura erabat ondatu dute. Eskalez eta gainentzekoz herria asperzeko bide bihurtu da. Udaletxeak neurri estuagoak hartu behar. Jituzke antzina edertasunak gal ez ditezten eta nola halako jendearen habi bihur ez dedin.

ZOZKETA

Bada nahiko buruhauste. Estaduraren laguntzarik ez duten ikastetxeak aurrera ateratzen. Ezin ume bakoitzeko asko kendu langile eta nekazarien umeek ere sarrera izan dezaten. Landaberri ikastolak milioi erdiko zorra egingo du urtearen buruan. Nota ordaindu?

Atezate beskan ibili behar. Laguntzaileak ingaldu. Jaialdi eta zozketak egin. Abenduaren 22rako ateratu du hain zuzen oraingo zozketa. Baina ez berak bakarrik. Udarrégi ikastetxeekin elkartu da hortarako. Asperua dago honelako txartelak hartzen jendea. Baina asperuagoak daude saltzen dabilenak. Baina ez dago beste biderik. Ateak zabalik eduki behar dituzte ikastetxe hauek. Horetara joan nahi duten guztientzat. Inor ez dedila dirurik ez duelako beste norbaiteira joan beharrea aurkitu. Baina hortarako herritar denok lagundu behar diruz. Ez muzin egin beraz, zozketa honi. Euskal Herriaren berarako da.

IZENAK

Auzotegi berririk asko sortzen ari dira Usurbilen. «Poligono» deitura ezartzen zaie guztiei. Ez al dago euskal izen egokiagorik? Edo tokiatan izena bera edo gizon ospetsuren batera? Gaztelu, Udarrégi edo nekazarien sindikatua sortu zuanarena?

ANDATZA

pasai donibane

ONGI ETORRIA

On Joseba Beobide, apaiz gaztea, Terranobako ur gelatuetan hilabete batzuek igaro ondoren, gure artean aurkitzen zaigu.

Gabonetako helduko omen dira bakailotako pareja gehienak, «gehienak» diogu, ez bai dira guziki etorriko. Aurten, bi edo hiru bapore bikote edo pareja, Eguberriak bakailo arrantzan, igaroko bai dituzte. Lehén hilabete gutxi egoten ote ziren arrantzale hauek, Gabonak ere lurralde haietan igarotzeko? Bere emazte, seme eta familiatik ari, urrín, ezin dezakete GIZON eta PERTSONA bezela behar bezela oti.

Arrantza exkaxa, urri izan da aurtén. Alemanak, Frantsezak, Rusoak eta abar berebiziko aurrerapenekin ibiltzen omen dira bakailo arrantzan eta jakina, hemengo bapore zahar, desegokiak, ezin dezakete burruka. Aurrerapen hauek, bakailoen urrifasuma, exkaxia dakarkite, ez bai diete usten behar bezela hazitzen.

Arrantzale, Itoak ere izan dira; 9 edo 10ren bat hil omen dira ezberharrez. Urtarrilatik Maiatza bitartean, otza ikeragarria egin omen du. Gela noiznahi, eta noski, ma-

rinel asko, bere anakak izoztu-ta, lehorra erakri behar izan zituzten.

Ongi etorri On Joxeba, ondo irabazitako egonaldi atsegina izan dezazula opa dizugu!!

DONE-IBANE?

Horrelaxe ikusi dugu idatzi-ta, Aurrezki Kutxa Munitipaleko zabal-kunde edo propaganda batean. Honela idatziko ote da? Kutxako Jakintsuek, azterketa sakonak egin ondoren, horrela behar dugula idatzi erabaki ote dute? Argitzea nahi genduke.

MENDIZALEEN ASTEA

Itsas-Mendi, herriko mendizale Elkartek antolatu eta, «Mendizaleen Astea» ospatu genduen dela zenbait egun. Parrokiako zineman, gazte jende ugari ikusi izan genduen, hemen eman bai ziren filmak eta hitzaldiak.

Hona hemen hizlariak eta gaiak: Ramuntxo Puy, herriko gaztea, berak egindako filmak agertu zitkigun. Aralar, Alpes eta Mont Blanc mendiak ikusi genituen.

Felipe Uriarte, herritarra ere, 1974gn urtean Everest mendira joango diren taldeetako bat. «Escalada edo gorakaldi» gaia hartuaz, berak dakien trebetasunarekin azaldu zigun zenbait xehetasun.

David Hernandez, Tolosarra, eta Ski kirolaren buruz oso iaioa dena.

Gipuzkoako kirol mota edo klase hontan txapeldu izana. Ederki adierazi zigun Ski-ren alderdiak.

Eta azkenik, Alvarez medikuak, median sortu liteken ezbarretan eta larrialdietan, nola joka behar dugun, adierazi zigun.

Txalo beroak merezi dute ITSAS-MENDI elkarteko gazteek, aste jator eta interesgarri hau antolatu dutelako. Gure aldetik bikoakie gure zorionik beroena. Baina... euskerak ez ote du lekua hitzaldi hauetan?

Inalurretak

errenteria

XENPELARREN OROIMENEZ

Urriaren 5an, Errenteriako Udaletxeak, Lege-Zahar edo Fuerosko enparantzan prestatutako aretoaren inaugurazioa izan zan. Azkeneko boletiniak dienez, Errenteriak gure herriko bertsolari Xenpelar zanari zor dienez bere izena ipiñi diote. Ez da arrazoi gabeko iritzia, Xenpelar bertsolari eta euskaldun jatorra izan bait zen. Lehen esan bezala, aditza ematen zaigunez, prestatutako gelatan kulturaren aldeko irakas saioak antolatuko dira. Errenteriako agintariak hartuko ziran, noski, Xenpelar euskalduna zenez gero irakaskintza euskal kultura maillan izan bearko lutekeela. Orre-

la ez balitz, nundik nora Xenpelar deitua ipiñi? Errenteriarrok guri onetan erantzun jatorra pozik jasoko genuke.

TXISTULARIAK


Azaroaren 26an, Errenteriako txistulari taldeak, Udaletxeko arkupean eresaldi bikaña eskeini ziguten. Askoko giñan bertan bildutakoak eta in egoki jotako txistu otsak auzo eduki gintuzten. Jarrai aurrera txistulariok, zuen saio ayek zabaldu erri guztian, autxek albitzen bait dute gure erria. Gure aldetik gure esker beroa.

ATSEDEN LEKURIK EZ?

Orain dela denbora gutxi ikusi genuen Udaletxeak egin duen Listorretako atsedén lekua. Oso egokia iruditu zitzaigun eta gure zorionik beroenak lan ori aurrera eman duten guztiei. Bide batez, eskari bat ere egin nai genuke. Gure erriaren inguruan ezin egin ote leike patxarazko toki egoki bat gure umetxoak, eta ain umetxo ez direnak, beren ordu gozoak igaro ditzaten? Guri arazo au garrantzikoa iruditzen zaigu. Gure erria asko eta asko ari da zabaltzen, eta umetxoak ezin dira lasai jolastu. Aiton eta amona asko ere orrelako leku zabal eta lasai baten premian arkitzen da.

MAASTI

EGUBERRIKO ZOZKETA 4 BIZITZA



EGUBERRIKO ZOZKETA 4 BIZITZA

Lau bizitzako zozketa, ontan Noiznainko, Bizitzako, Erbesteratuen ta Aldi-jakiñeko karitullak sartuko dira.


Abenduaren 31 arte jaritzen diran milla pezeta bakoitzeko zenbaki bat emanigo da, ta besteizenbaki bat jarrita dauden 5.000 pezeta bakoitzeko, milla pezeta sartuezkero.

ABENDUA'REN 31 ARTE


CAJA DE AHORROS PROVINCIAL DE GUIPUZCOA




Ormaiztegi



Ormaiztegi



Ezpeleta



Oñati

EUSKAL PRIMITIBISMOAREN HILDOTIK



AZKEN bolara honetan zenbait gertaera dela ta, euskaldunen primitibismoa ikusi ahal izan dugula deritzait.

Ez pentsa primitibismo hau gaur goizean sortutako gauza bat denik, ez eta gutiago ere. Aitzitik, gure kondairan zehar ezaugarri nabarmenetako bat dela esango nuke. Nabarmenetako bat, nabarmenena ez bada.

Gai hau ikutu dudanez gero ez uste izan Euskal-Herriko kondaira aztertzen hasiko naizenik (eta ez, alajaina, esenplu franko ez dagoelako), primitibismo horrek Euskal Herrian tinko jarraitzen duelako, aipatzea beharrezkoa ikusi dudalako baizik.

Ene ustez, primitibismo horrek bi puntu nabarmen du. Bi ezaugarri garbien bitartez agertzen da.

Bat, euskaldunok errealtatea baztertzeko dugun ohitura eta bestea euskal estrateji baten falta.

Bi hau loturik daude eta bata bestearen ondorio eta iturberekoak besterik ez dira. Batak, beraz, elkarrekin ikusiko ditugu.

Lehenengo puntua, hots, gure errealtatea baztertzeko ohitura, gauza nabari dela uste dut. Guttitan baitugu benetako errealtatea kontuan hartzen eta kontuan hartu gabe, abiatzen gara gure aferrak konpontzera. Ez gara oharitzen honek, ekintzak era honetan planteatzeak sentidurik ez duela eta azken finean egiten duguna zera dela, gure errealtateari uko egitea, eta honen ondorioz kaltegarriena: geure buruari harriak botatzea, alegia.

Zeren, badirudi «moralak humanista bihotz-bera» dela gure gidari bakarra eta gainera, politikaren ukamena balitz bezala.

Badirudi arazo bat aztertzerakoan ezin dugula inportantea ikusi eta bigarren eta

hirugarren mailako diren gauzetatik bereizi. Are gutiago, jakina, kontexto batean sartu eta «perspektiba» sakon batek epaitu hura.

Hau dena maila guztietan nabaitzen da eta esenploak milaka har ditzakegu.

Mila esenplu hoiaren arten bat hartuko dut, alde batetik azken bolara honetan zoritxarrezko berria delako eta bestetik gure primitibismo horren esenplu paregabekoa delako.

Ikastolen egoera eta istiluaz jabetuak zaudete eta ez dut uste, beraz, egoera hoiaren berririk eman behar dudarik. Bai, ordea, honetaz, zenbait eritzi azaldu.

Ba dirudi ez garelako benetan oihartzaren euskal pedagogiarene oinarriak arriskuan jartzen ari direlarik. Euskal-Herri berri baten ardatzak ondatu nahiz dabiltzalarik, «denek dutela eskubiderik» hasten gara... (eta, noski, gu gara, hain zuzen, denen eskubideen aldekoak, baina benetan).

Zeren, euskaldun batentzat garbi eta klaro egon behar duena zera da: ikastolak NAHI ditugula. Hau da inportantea, baina, zenbait gauza ikusirik, badirudi ezetz.

Ikastolak, mundu honetan gauza guztiak bezala, alde on eta txarrak dituzte (eta gure egoeran gaudelarik ez zitekeen bestela izan). Baina gureak dira, eta gainera, onak txarrak baino gehiago dituztela, inork ezin du ukatu (euskalduna baldin bada behintzat).

Orduan arazo hau nahiko garbi dago eta, beraz, ahal dugun guztiak egin behar dugu ikastolak zaindu, ugaltu eta hobetzeko. Hau da, ikastolaren arazoa aztertzerakoan, nahi ta nahiezko oinarri eta jomuga.

Lege Berria dela-ta, ezer esan beharrik ahal dago zein diren ikastolaren benetako kezak? Aski ongi bait daki-

gu ikastolak zenbait tokitan hil ala biziko egoeran datzabela eta, besteak beste, honen arrazoi funtsezkoenen bat finantziarioa dela.

Kontexto honetan, egoera honetan, nola uler daitezke ikastolak jasaten ari diren istiluak?

Lehen nionez, ez da oso argia izan behar zenbait gauza nahiko garbi ikusteko.

1) Lehenik, guk ez ezik, inortok ere ez duela ikastolarik nahi. Hori mila aldiz frokatu digute eta ez dut uste berriz frogatu behar den gauza bat denik.

2) Bigarrenik, oztopo berriak gure «barrendik» sortu direla eta lehenbiziko helburua betetzen ari dira. Bost axola zaigu elemento hauen tontokoala argiak diren, objektiboki, lan berdina egiten baitute. (Edo hoze esateko, «argiak» baldin badira okerrago, garbi ikus daitezkeen bezala).

Ikastolaren aurka sortu den joera berria funtsez hau da: bigarren eta hirugarren mailako eztabaidak sortu, bitartean, benetako arazoei erantzunik eman ez dezaiegun.

Lan hau egiteko, gure primitibismoaz baliatzen dira eta hau dena esateko garaia heldu da. Lan horren ondorioak nabarmentzen ari dira eta behin-betirako panteatu beharra dago. Beti, istiluek, lehen planteatutako eskema horri jarraitzen baitiote.

Azken honen frogantza bezala, azter ditzagun azkeneko istiluek eta ikusiko dugu zer nolako konklusioetara heltzen garen.

1) Ikastolaren arazoa, laboral maila «huts» batean planteatzea, benetako egoera kontuan hartu gabe, gure egoerari uko egitea da. Baldintza objektiboaz baliatzea eta ba-

bestea, ikastolaren aurka joateko besterik ez da.

2) Zenbait elemento, bostgarren mailako arazo-ortografiko sartu-eraziz zer nolako lan egiten ari dira?

H'ren arazoa oso interesgarria izan da, zoritxarrez, herri baten ahulezia ikusteko. Nola uler daiteke, bestela, horrelako tontokeria baten gatik era horretako istiluak sortzea. Ez ahal dago nahiko garbi ikastoletan eta Euskal Herri osoan indarrak ahalik eta gehien erdibitzeko dela?

3) Gauza bera, religioarekiko «sortu» den arazo bitxiarekin. Gaurko kontextoan sentidurik ere ez du.

4) Azkenik pedagogia «askatua» eta holako ez dakit zer-keria gure egoeran erabilteza, demagogia huts-hutsa da eta hori badakigu «zer» den...

Dena den, jokabide hauen ondorioak (ez nahi luketenak, egiazki gertatzen ari direnak, hark dira:

1) Alde batetik ikastolaren prestigioa lurrean dago. Bere seme-alabak zalantzan ditzuten zenbait gurasoak atzera jotzen du. Beldur da. Dagoen baino kinka larriagora eramatea da, eta, noski, ikastolaren aurka alde guztietatik egiten den propagandari aitzakiak ematea da.

2) Gainera, konturatzen ez bagara ere, denbora galtzen ari gara eta bitartean gure benetako arazoei zaie erantzunik ematen.

3) Hortik aparte, azken arazoei ekarriko dutena zera da: diru eta jabegoa galtzea.

—o0o—

Ondorio politikak benetan... batzuren batzuek nahiko pozik egongo dira.

Bainan az ahal dago nahiko garbi bai batzuek, bai besteak Euskal-Herriaren aurka ari direla? Ez ahal gara oihartzaren

ikastolak burjesak direla esaten dutenak eta marxista direla esaten dutenak, txanpon bakarraren bi aurpegi besterik ez direla? Zer nolako konponketa, hoiekin, bada? Beldur gabe, beren jokoa salatu behar dugu. Horretaz oihartzeko egiten den lana eta ekintza ez dira alferrikakoak izango, alajaina.

Eta hortarako, Euskal Herrian izugarriko nahaste-borrastea dagoela ikusten saia behar dugu; eta sakonki gero; zeren eta hau da arazo funtsezkoena, ez baitugu gure egoeraz jabetu nahi eta zein gaizki gauden ikusi.

Ez gara oihartzaren oinarriak egin gabe daudela eta zerbait positiboki egiteko, lehenbiziko lana hau dela; non gauden eta nortzuen artean. Zein dabilen gure aurka, azalez ez baino mamiz.

Bainan ez dugu nahi, espero baitugu ez dakit nondik, izar on bat, hau dena garai txar bat besterik ez dela uste baitugu. Gure gainean jarri den laino bat. Ez jaunak primitibismo politikoa besterik ez da eta oihartzaren ez garan bitartean, ezer positiboki egiteko ez dago.

Hau dena, beste hitzetan esanda, estratejiarik eza deritza, eta ez dut uste ezer esan behar denik duen garrantzi handiz.

Ez dugun bitartean, besteen estratejiaren menpean erortzen gara eta hau mila aldiz egin dugu eta orain gauza berbera, zeren guk ez dugu estratejiarik izango bainan berriak bai eta nahiko taxutua, alajaina.

Gure egoera, hau da. Egoera guztiz triste benetan, bainan, egoera honi euskaldunok irtenbiderik ematen ez badiogu nork emango dio?

AURTIZ

